



電影探討親情與愛情，是笑中有淚的溫情小品。




日前珍妹、李靖筠及陳湛文現身謝票。

與李靖筠母女情深

李麗珍 女神變肥師奶



珍妹素顏染白髮演基層單親媽媽入木三分。



珍妹自言從未與愛女許倚榕開交，雙方關係如同朋友。

李麗珍、李靖筠及陳湛文等主演的《望月》於前年12月疫情期間拍攝，開拍前曾遇上難題。曾是90年代女神的珍妹近年亦有拍劇，但當時略見發福。她透露導演羅耀輝邀請她演出時，自己因疫情缺少運動，向導演稱自己「肥咗好多」，導演卻叫不要減肥。臨開工前約兩星期，珍妹竟在家中廁所跌倒扭傷腳，導演則稱可以少拍她走路的戲份，集中拍她企或坐，李麗珍即笑笑口回應：「導演你覺得OK我就OK，雖然痛住去拍又要食住藥，但最終都順利完成！」

演窮媽染白髮變老

戲中珍妹與李靖筠演母女，在現實中其愛女許倚榕今年27歲，而31歲的李靖筠與珍妹女兒年紀相若，珍妹演母親可謂手到拿來：「過去做過媽咪角色，不過第一次拍戲有咁大個嘅女，演出時感覺好唔同；但我現實生活中都有咁大個女，因為我算早婚，30歲就結婚，當時我規定自己30歲就要結婚，都係古老思想。」珍妹為演好角色，特別將愛女投射在李靖筠身上：「自從導演話『你唔好扮老，或者扮阿媽，你平時都係阿媽，用番平時同個女講嘢的方法講就得啦』，咁我就收到啦，但我懷疑導演點偷聽到我同個女講嘢嘅情況呢？」戲中珍妹造型上有塗白色髮染劑來增添蒼老感，也沒特別化老妝，只打粉底無遮瑕可算素顏上陣，配合為生計去縫衣養家無時間打扮又圓潤的母親角色瑛姐。

珍妹當李靖筠親生女

另一邊廂，李靖筠戲言自己亦投入當李麗珍女兒，事前大家也沒有特別培養感情，一埋位就相處：「其實我勁開心，有珍姐呢位巨星做我媽咪係我榮幸，年紀上珍姐咁後生唔似我媽咪，不過加埋造型各樣就有少少似！」她又透露，每次完成一場戲cut機，大家也會傾偈，李麗珍亦經常分享與女兒相處的點滴，感覺對方與愛女關係甚佳。李靖筠說：「雖然我本身唔認識李麗珍，但聽到對方跟女兒相處經歷，佢當正我係女一樣。」今次亦錯有錯着，珍妹傷腳拍攝期間，李靖筠跟戲中哥

哥陳湛文也甚為緊張，珍妹對此笑說：「成組工作人員經常問我要去邊要我坐低，不過感覺幾warm！」拍攝《望月》期間，眾人如家人般相處，令他們有了如家人般的默契。戲中珍妹與李靖筠有一場鬧交戲，珍妹笑道：「大家沒有特別培養情緒，我都唔夠氣，都係鬧一句起兩句止。」現實中她也從未與女兒鬧交：「雖然女兒都是單親家庭長大，小時候就已經好聽話，大個咗每做一件事前都會問我意見。」李靖筠亦附和道：「跟珍姐認識一段時間，留意到佢同女兒關係如朋友，算好open嘅媽咪。」



58歲的珍妹與31歲的李靖筠演母女沒有違和感。

英皇電影《望月》已於本月19日上映，李麗珍（珍妹）與李靖筠在戲中飾演母女，配搭新鮮。現實中珍妹的女兒許倚榕與李靖筠年紀相若，她坦言將27歲愛女許倚榕投射在李靖筠身上，更要染白髮增蒼老感。究竟這一代女神如何為角色變身白髮肥師奶？

採訪：阿祖
攝影：彭子文

李靖筠在戲中玩交友App玩到失身。

專心幕前演出避姻緣

戲中李靖筠扮演的角色美珍，由於玩交友App受騙致失身，現實中的她對交友App雖感好奇卻從未玩過，全因做娛樂圈有包袱：「我唔知人哋點睇，或者自己講說話都要有分寸，同時亦無玩App嘅需要。」她坦言已有一個拍拖6年的男友，雙方感情穩定。過去她亦曾被前度欺騙感情：「感情受傷在所難免，受傷都唔可以就話自己無唔啱，拍拖時兩個人總有一些相處上嘅問題，係感情上必經之路，

之後就會變得更成熟，更清楚愛情上要什麼。」問珍妹可有向這位戲中女兒分享戀愛經驗？她笑言：「唔使我分享，佢咁大個女！」至於珍妹本身的感情生活，她直言：「無！依家想專心拍一套會令大家睇得開心嘅電影。」



《望月》期間拍攝，雖然在疫拍得開心，珍妹亦